



Repubulika y'u Rwanda
Minisitiri y'u Rwanda

Inama ku bakora ingendo ahagaragaye indwara ya Koronavirusi nshya

Minisitiri y'Ubuzima, ishingiyeye ku itangazo ryo ku wa 13 Mutarama 2020 ryatangajwe n'Ishami ry'Umuryango w'Abibumbye ryita ku buzima (OMS) ryemeza ko mu gihugu cy'Ubushinwa mu ntara ya Wuhan hadutse indwara ya Koronavirusi, irasaba Abanyarwanda n'abarugenderera kwirinda iyo indwara. OMS itangaza ko hari abagenzi babiri b'abashinwa bakoreye ingendo muri Thailand no mu Buyapani bakaba baragaragaje ko bafite iyo virusi.

Kugeza ubu ibimenyetso by'iyo ndwara ni ukugira umuriro, gukorora, guhumeka nabi n'ibihaha byangiritse. Abenshi mu bagaragayeho ubwo burwayi ni abagiye mu isoko barangurizamo amafi n'iry'amatungo muri Wuhan. Iryo soko ryanduye iyo ndwara bituma rifungwa guhera ku itariki ya 1 Mutarama 2020. Kugeza ubu ntiharagaragara ko hari uwandujwe n'uyifite cyangwa ngo abe yaranduje abaganga/abaforomo. Birashoboka ko iyo ndwara yagaragara no mu bindi bihugu, ni yo mpamvu OMS ibisaba gukomeza gukurikirana iyo ndwara no kwitegura guhangana na yo kuko ishobora kwambukiranya imipaka.

Ibihaha byangiritse

Minisitiri y'Ubuzima iragira inama abaturage bajya mu Bushinwa kubahiriza aya mabwiriza:

- Kwirinda kwegera amatungo (yaba amazima cyangwa ayapfuye), amasoko y'amatungo, no kwegera ibiyakomokaho (nk'inyama zidatetse);
- Kwirinda kwegera umuntu warwaye Koronavirusi
- Gukaraba intoki n'isabuni cyangwa niba nta mazi n'isabuni bihari ugasukura intoki ukoresheke umuti wa arukoro;

Niba hari urugendo uheruka gukorera mu Bushinwa ukumva urwaye urasabwa gukurikiza aya mabwiriza:

- Ihutire kujya kwa muganga kandi umenyeshye abaganga urugendo uherutsemo n'ibimenyetso by'indwara ufite;
- Irinde gukora ingendo igihe urwaye;

- Ipfuke ku munwa no ku mazuru ukoresheje agatambaro cyangwa ukuboko kw'ishati/umupira (ntugakoreshe intoki) iyo ukorora cyangwa witsamura.

.....**End**

Iyo ndwara iteye ite?

Koronavirusi ni iki?

Koronavirusi ni umuryango mugari wa za virusi zitera indwara zitandukanye harimo ibicurane bisanzwe n'ibicurane bikomeye bita “Acute Respiratory Syndrome(SARS-CoV) and Middle East Respiratory Syndrome(MERS-CoV)”. Ibimenyetso by'iyi ndwara bigaragarira mu buhumekero, kugira umuriro, kuzana ibimwira, gukorora, kugira ikibazo cyo guhumeka. Rimwe na rimwe hari ubwo bikomera umuntu akarwara umusonga, impyiko ndetse bikaba byanamuviramo urupfu.

Iyo ndwara yandura ite?

Umuntu yanduzwa Koronavirusi n'ubwayanduye:

- Yandurira mu mwuka wahumetswe n'uwakoroye ayanduye;
- Yandura iyo umuntu akoze ku wayanduye cyangwa amusuhije;
- Iyo umuntu akoze ku kintu cyangwa ahantu hari iyo virusi noneho agakora ku munwa, ku izuru cyangwa ku maso mbere yo gukaraba intoki;
- Rimwe na rimwe ishobora kwandurira mu mwanda wo mu musarani

Koronavirusi iravurwa igakira?

Kugeza ubu nta muti wihariye uvura iyo ndwara: Kuyivura ni ugufata imiti ifasha mu guhangana n'ibimenyetso byayo:

- Antibiyotike zivura udukoko twa bagiteri zitera umusonga.
- Imiti igabanya ubukana bw'iyi virusi
- Gufasha umurwayi guhumeka bamwongerera umwuka wa ogisijene

Kuki Koronavirusi nshya ari ikibazo?

- icyorezo cy'indwara y'umusonga kitaramenyekana inkomoko cyagaragaye muri Wuhan, mu Bushinwa na Thailand. Ibizamini bya laboratwari byagaragaje ko giterwa na koronavirusi nshya.
- Kuko hari urujya n'uruza rw' ingendo z' indege hagati y'u Rwanda ,Ubushijya na Thailand, hashobora kuba ibyago byo kuba iyo virusi yagera mu Rwanda.

.....
Niba ukeneye ibindi bisobanuro For more information, please contact:

Dr Jose Nyamusore

Division Manager of Epidemic Surveillance and Response at Rwanda Biomedical Centre

E-mail: jose.nyamusore@rbc.gov.rw

Tel: +)250) 788467187

Malick KAYUMBA

Rwanda Health Communication Centre at the Rwanda Biomedical Centre

E-mail: malick.kayumba@rbc.gov.rw

Tel : (+250) 788350035